

DURANGALDEA. «Boterean dagozan eredu kontsumitzaileak garatzen dihardue», dinoe

Aitziber Basauri

Durangalderako eskualde eredu «orekatuagoa» garatu gura dau Batasunak. «Erreferente lez pertsonak hartuko dauzan eskualde eredu bat; eta ez interes ekonomikoetan oinarritua». Bide horretatik, Durangaldeko herri eta udaletxeetan, «eztabaidarako espazioak» zabaltzea daukie helburu. Horixe azaldu dabe Jabier Arbeok eta Sabin Barajuenek, hurrenez-hurren, Durangoko eta Berrizko Batasuneko bozeroaleek.

Arbeoren berbetan, «oso arduratuta gagoz Durangaldean — eta Euskal Herrian be bai — nagusitzen diharduen ereduaz. Durangaldean boterea daukien eredu kontsumitzaileak garatzen dihardue, abiadura handiko erritmoan oinarritua». AHT, Boroako Zentral Termikoa, azalera handiko saltokiak eta Oizko parke eolikoa aitatu dabez, besteak beste.

Hainbat behar esparru

Batasunaren ustean, «posible da beste Durangalde bat»; bide horretatik hainbat arlotan egin behar dala behar dinoe. «Ezin deusagu lehentasuna makroproiektuei emon, eta herritarren bizitza 2. planu batera alboratu. Ingurumena babestu behar da», dino Arbeok. «Ikuspuntu ekonomikotik potentzial handia izan ez arren, nekazaritza, abeltzaintza... mimatu behar doguz. Halan, oreka ekonomikoa, kulturala eta ekologikoa lortuko doguz eta. Horrek lotura estua dauka, ganera, herritarren bizi-kalidadeagaz eta osasun kolektiboagaz». Era berean, saltoki handiei aurre egiteko era bat dala nabarmendu dau. Gai hori lotuta, Durangaldeko hiltzgia mantentzearen «garrantzia» azaldu dau.

Eskualderako eredu «orekatuagoa» gura dauela adierazo dau Batasunak

«Eztabaidarako espazioak» zabaltu gura dauz herri guztietan



Jabier Arbeo eta Sabin Barajuen Batasuneko zinegotziak Durangon eta Berrizen, hurrenez hurren.

«Arau Subsidiarioak dira herri-eredua garatzeko tresnea»

Herri txikien garapena bultzatzeari be preminazkoa deritxo Batasunak, «orekea» lortzeko; «alkarlana eta alkartasuna sustatuz, zerbitzuak deszentralizatu behar dira». Era berean, herrietan garatu gura dan eredu diseinetako «bitartekari minimoak» jarri behar dirala uste dau. «Arauotan marketan da zein eredu garatu. Trafiko arazoa garrantzitsua da herrietan, adibidez; hori konpontzeko tresnea

dira Arau Subsidiarioak». Gizaki guztien «oinarrizko eskubidea» izan behar da etxebitza lortzea Batasunaren ustez. «Arlo horretan konpromisoak hartu behar dira; eta Udalek interbentzino zuzena egin behar dabe. Hau da, lurak eskuratu politika zehatzak garatzeko, eta etxe sozialak, babesekoak edo alokatuak eskaintzeko».

Enpleguari jagokonez, beharrraren eta aberastasunaren banaketea oinarritzeko da Batasunaren ustean; eta garrantzitsua deritxo eskualderako garapen

agentzia eratzeari, «merkatu tendentziak eta dagozan premienak aztertze»». Barajuenek di-noanez, «behin-behineko kontratuak %36koa dira eskualdean —gehienak ABLEakaz eging-dakoak—; langabetu asko dagoz, eta lan-baldintzak oso txarrak dira». 35 orduko lan-astea egitea eta ordu extrak eza-batzea lortu behar dala dinoe. «Ganera, arlo publikoan argi geratu behar da ezin dirala ABLE-ak erabili». Proposamenok praktikara eroateko, laster hainbat ekitaldi egingo dabez.

LAGURAEAN

ERMUA

Berbaldiagaz agurtuko dabez gaur Justizia Globalaren ganeko II. Jardunaldiak

Justizia Globalaren ganeko II. Jardunaldiak gaur amaituko dabez. Komite Internazionalistak eratutako jardunaldiok berbaldi bategaz agurtuko dabez. Berton izango da hizlari lez Iñaki Uribarri ekonomilaria — ESK sindikatu-ko zuzendaritzako kide be bada bera—. Udal liburute-gian izango da, 19:00etan.

EHEk enkarteladea eratu dau «euskaldunen eskubideak errespetau» daiezan

Ermuko Euskal Herria Euskaraz-ek enkarteladea eratu dau zapaturako, martiak 23, «euskaldunen eskubideak errespetau» daiezan. *Hizkuntz eskubideak borrokatuz, ofizialtasuna eskuratu* leloagaz deitutako enkarteladeagaz «Ermuko euskaltzaleak suspertzea» dauka helburu EHEk. Era berean, «Euskal Herrian eta Ermuan egon diran euskeraren aurkako erasoak salatzea be bai», azaldu dabenez. Martiaren 23rako EHEk eratutako Mobilizazio Egunaren barruan egingo dabe aldarria. Ermuko plazan izango da hitzordua 18:30ean.

ABADIÑO

‘Trainspotting’ lana taularatuko dau Juanlu Escuderok Gaztetxean

Trainspotting antzezlan taularatuko dau bihar Juanlu Escuderok, Abadiñoko Gaztetxean. Ikuskizuna gaueko 22:15ean hasiko da.

IURRETA. ‘Bakixao’, ‘Arriandi’ eta ‘Oromiño’ dira proposatutako izen barriak

Kofradiak izentetako Hizkuntz Politika Sailordetik egindako proposamenak ez dabez onartu

A. B.

Iurretako auzoen ganeko izendapenei jagokonez, Jaurlaritzako Hizkuntza Politika Sailordetzak egindako proposamena ez dau onartu Iurretako Udalak. Orain arteko izena mantenduko dabe Iurretako kofradiek.

Hizkuntz Politika Sailordetzak Fauste, San Marco eta Santa Maña kofradien izendapenei jagokonez aurkeztu dauz aldaketak Udalean. Bakixa eta Faus-

te auzoak hartzen dituan ‘Fauste’ kofradia ‘Bakixao’ izentetea gomendatu dau.

‘Arriandi’ eta ‘Oromiño’ proposatu dabez

Artatza, Oromiño eta San Marco auzoak osotzen daben kofradiari ‘Oromiño’ deitzea be proposatu dabe, ‘San Marco’ kofradia deitu beharrean. Azkenik, Arriandi, Gaztañatza eta Santa Maña auzoek osotutako ‘Santa Maña’ kofradia izentetako ‘Oro-

miño’ erabiltea proposatu dau Hizkuntz Politika Sailordetzak.

Halandabe, Udalak ez dauz proposamenok onartu. Beraz, orain arteko izenagaz jarraituko dabe kofradi horreek; hau da, ‘Fauste’, San Marco eta ‘Santa Maña’. Iurretako ganerako kofradien izendapenari jagokonez, Jaurlaritzako Hizkuntz Politika Sailordetzak egindako proposamena bat dator Udalak berak onartutako-agaz.

Beste alde batetik, Julio Martinezek hartu barri dau alderdi sozialistaren ordezkartzea Iurretako Udalean. Berak, Aitor Lamasek lagatako kargua hartuko dau.

AGENDA

ABADIÑO

AHT Gelditu! Alkarlana koordinakundearen batzarra:

Abadiñoko gaztetxean egingo dabe batzar edegia AHT Gelditu! Alkarlana koordinakundeko kideek, gaur, 19:30ean.

ZORNOTZA

Mahai ingurua: Emakumea eta gizartean parte hartzea mahai ingurua eratu dau gaurko Emakumea Sustatzeko Zentroak. Ekitaldia 20:00etan hasiko da, eta Emakundeko lehendakari Txaro Arteagak eta Bagabiltza-ko kide Rosa Martinek hartuko dabe parte.

DURANGO

Berbaldia: XXI. mendeko emakumearen lorpenak eta erronkak berbaldia eskainiko dau gaur Emakundeko lehendakari Txaro

Arteagak Bartolome Ertzilla musika eskolan. Ekitaldia 16:00etan hasiko da; eta horregaz amaituko dabez Martiaren 8aren inguruan Emakumea Sustatzeko Zentroak eratutako ekitaldiak.

Erakusketea: Aitor Ortizen *Gure bazterrak* erakusketea ikusi leiteke Arte eta Historia Museon. Durango eta Durangaldeko baztarretan gauez atarako 21 argazkik osotzen dabe erakusketea.

ELORRIO

Zinekluba: Michael Haneke-k zuzendutako *La pianista* filma eskainiko dabe gaur Arriola Kultur Gunean. Pelikulea 20:15ean emongo dabe.

ERMUA

Zinekluba: A. Paris-ek eta D. Fejerman-ek zuzendutako *A mi madre le gustan las mujeres* filma eskainiko dabe gaur Ermua Zineman 22:15ean.